

3

EPITOME DES HISTOIRES

Des Roys d'Espaigne & Castille.
Des Roys d'Arragon.
Des ducz & Roys de Boheme.
Des Roys de Hongrie.
Des maisons d'Absbourg & Autriche.

Par Gilles Corrozet Parisien.



A P A R I S.

On les vend en la grand salle du Palais pres la chambre des consultations en la boutique dudit Corrozet.

1 5 5 3.

Avec priuilege du Roy.

Priuilege du Roy.

IL est permis & ottroyé à Gilles Corrozet libraire de Paris, d'imprimer, faire imprimer & vendre le liure intitulé Epitome des histoires des Roys d'Espaigne & Castille, d'Arragon, Boheme & Hongrie, faict par iceluy Corrozet. Et sont faictes defenses par ledict seigneur à tous marchans, Imprimeurs, Libraires & autres quelconques sur grandes peines, amende arbitraire, dommages & interestz dudit Corrozet, prinse & saisie des liures imprimez & vendus sur sa coppie, d'imprimer, faire imprimer, ny vendre ledict liure durant le temps & terme de six ans, comme plus à plain est contenu au priuilege. Donné à Paris le quinzième iour de Mars, l'an de grace mil cinq cens cinquante deux.

Par le conseil. Signé Buyer.

AV LECTEUR.



Es premiers fondemens de la
 plusspart des p̄cipaultez &
 seigneuries, ou par leur trop
 grande antiquité, eſtrange-
 té de noms, allusions & interpretations
 d'iceulx, fiſſions entremeslées, dattes des
 temps corrumpees & discordantes, lon-
 gue distance des lieux, nauigations diffi-
 ciles, incertitude de bons auteurs, ou au-
 tres difficultez, sont quasi tous obscurs &
 non aisez à croire: & neantmoins sommes
 contraintz à receuoir telles histoires, cõ-
 me autorisées du tēps, pere de verité: pour
 ce qu'elles nous aydent par conference des
 vnes aux autres à venir à la congnoissan-
 ce des choses veritables, & puis proceder
 d'aage en aage iusques aux actes manife-
 stes & congneues par escritures auten-
 tiques, & commune opinion de tous. Qui

donques veult faire son proffit de toutes
croniques, & mesmement de celles qui
sont encores à demy en tenebres, il doit di
scerner de la suffisance de l'auteur, de la
concordance des tēps, de la facilité du fait,
de la confirmation par autres histoires ap
prouuées, de la reception ou reiectement
qu'en font les hommes doctes, & en ce fai
sant il extraira le vray d'avec le faulx, es
claircira l'obscur, ou pour le moins il assier
ra iugemēt par dessus ce qui luy sen ble
ra deroger au vray semblable, ou à la re
nommée: comme i'ay fait en ces extraitz,
que i'ay tirez de la masse des histoires, e
scrites par bons & bien famez auteurs,
la reucrence desquelz m'a fait aiouster
quelque foy es commencemens de leurs hi
stoires, dont l'abregé ensuit.

HISTOI-

HISTOIRE³

DES ROYS D'ESPAGNE ET CASTILLE.



Le pays d'Espagne fut diuisé en deux parties par les Cartaginois, qui l'occuperét apres auoir esté chassez d'Affrique par les Rommains. L'une appellerent Betica, & l'autre Tarracon. Ilz le diuiserent aussi en vnze prouincés, & le tindrent iusques au temps d'Attila Roy des Huns & Gothz qui l'assugetit à luy: & depuis fut parti en cinq Royaulmes.

Le premier estoit Leon ou Castille, duquel nous entendons parler & de ses Roys. Le second Aragon. Le tiers Nauarre. Le quatriesme Portugal, & le cinquiesme Betica, qu'on nomme Granate, qui fut long téps occupé par les Maures,

Le premier des Gothz qui regna sur eulx apres estre entrez en Espagne fut Atanarezo,

¹
Roys des
Gothz.
L'an. 343.

DES ROYS D'ESP.

& regna treize ans.

- 2 Theodose empereur les vainquit, & vingt deux ans apres se rebellans contre l'empire se créèrent vn Roy appellé Alaric Pannonien, lequel regna vingt trois ans.

- 3 Ataulfe son nepueu ou son filz luy succeda, regna cinq ans, & fut tué de ses soldatz pres Barcelonne.

Tous ces princes combien qu'ilz regnassent sur les Espaignolz & autres peuples d'Europe, toutesfois s'intituloient Roys des Gothz, iusques à Pelagius.

- 4 Sigeric parent d'Ataulfe regna apres luy vn an.

- 5 Vualia regna trois ans, & chassa les Vandales d'Espaigne.

- 6 Theodoric regna trois ans, & fut occis en combattant contre Attila Roy des Huns, acompaigné de Merouee troisieme Roy de France.

- 7 Torismond son filz regna dix ans, & fut tué par ses freres.

- 8 Theodoric deuxiesme, frere de Torismond occupa le Royaulme, & ayant chassé Retiaire Roy de Sueue hors d'Espaigne, adiousta Portugal à son Royaulme.

Hen.

ET DE CASTILLE. 4

Henry son frere regna apres luy sept ans, 9
& fut autheur que les Goths vserent de loix
escriptes.

Alaric regna douze ans, fut tué en vne ba- 10
taille pres Poictiers par Clouis roy de Fran-
ce, laissant Almaric son filz, leql il auoit eu de
la fille de Thierry ou Theodoric roy d'Italie.

Genselaric frere bastard d'Alaric, ayât chaf- 11
sé son nepueu Almaric, tint le royaume qua-
tre ans, iusques à ce qu'à l'aide de Theodoric
roy d'Italie il fut chassé en Afrique.

Almaric filz d'Alaric regna dix ans six 12
mois: & estant issu de l'adolescence, gouuer-
na le regne cinq ans. Il fut tué en la guerre
qu'il mena contre les François.

Amalassunta fille de Theodoric roy d'Ita-
lie, & mere d'Almaric luy succeda, & adopta
pour filz Tendio son cousin, qui la fist noyer
en vn baing.

Tendio regna dixsept ans, puis fut occis des 13
Gots, pour les habitz estranges & indecens
à son estat, lesquelz il portoit publiquement.

Tendesilio capitaine de l'exercite fut créé 14
nouueau roy par les Goths, fut occis à Ispale
pour auoir forcé plusieurs nobles & gentilz
femmes.

DES ROYS D'ESP.

15 Agilla fut créé roy en son lieu, & fut occis des siens l'an cinquiesme de son regne.

16 Limba luy succeda, & regna trois ans. Il trāsporta le royaume à Leonogilde son frere.

17 *Suenes chas
sez d'Espai
gne.* Leonogilde chassa d'Espaigne tous les Suenes, lesquelz y auoient esté l'espace de cent septante ans. Il feit trencher la teste à son filz aîné Ermelgonde, pource qu'il ne voulut adherer à la secte Arriane. Il adiousta la cité de Leop à son royaume, & regna sur les Gothz vingt & deux ans.

18 Leonogilde deuxiesme, filz du premier, procura qu'Arrian condamné au concile de Tolette fut chassé d'Espaigne.

19 Limba deuxiesme son frere, tint le regne deux ans cinq moys, & fut occis au pourchas de Vitteric, homme illustre entre les Goths.

20 Vitteric occupa le royaume, & fut occis au bout de sept ans.

21 Gondanier regna deux ans.

22 Apres son trespas, les Goths creerent vn nouveau roy nommé Sissebuta, qui ensuyuit la religion Chrestienne, & passant en Afrique, submit à luy plusieurs nations. Il regna neuf ans sept mois, & mourut de peste.

23 Ricaredo second, filz de Sissebuta succeda à son

pere par six mois.

Suintella premier, filz de Ricaredo regna
seul dix ans, puis accompagna au royaume
son frere Rachemir. 24

Sisecond filz de Suintella, regna sept ans. 25

Suintella deuxième du nom. Son frere re-
gna apres luy quatre ans. Apres sa mort les
Gothz creerent vn roy de lignée royale, nom-
mé Tulga, qui regna deux ans. 26

Cinda Vindo occupa le royaume, & le tint
dix ans. 27

Recisuindo son filz le tint ij. ans & xj. mois. 28

Bamba fut créé nouveau roy, & chassa les
Maures qui estoient entrez en Espagne avec
deux cés nauires qu'il brusla. Neuf ans & vn
mois apres qu'il eut commencé à regner, il
print l'habit de religion, ou il vesquit sept ans. 29

Eringio frere de Bamba, lequel il s'estoit ef-
forcé de faire mourir par poison, apres qu'ice
luy Bába fut fait moyne, se feit roy, & chassa
Theofrede filz de Recisuindo, & occupa la
seigneurie sept ans. 30

Egizza cousin de a Bmba, & gendre de E-
ringio, regna apres son beaupere sept ans, &
mourut à Tolette. 31

Vitizza son filz tint le royaume neuf ans, 32

DES ROYS D'ESP.

iufques à ce qu'il en fut priué, & de la vie auf-
fi, par Roderic filz de Theofrede, qu'Eringio
auoit chaffé.

34 Coſte frere de Roderic regna cinq ans ſept
mois.

35 Apres ſa mort, Roderic ſon autre frere ſe fai-
ſit du principat, lequel ayant violé la fille du
conte Iulián, fut occis en guerre par les Mau-
res, leſquelz iceluy conte auoit appellez en
Eſpaigne pour executer la vengeance, & rè-
gna deux ans.

36 Apres la mort de Roderic, Taref & Muza
ducs des Maures feirent roy d'une partie de
Eſpaigne Bellazin filz de Muza, & eulx re-

*Fin des roys
des Goths
en Eſpaigne.*

tournerent en Afrique. En vingt ans regne-
rent en Eſpaigne quinze rois Maures, par ce
qu'ilz ſe tuoient & chaffoient les vns les au-
tres. Finalemēt eſtât eſcheu l'empire entre les
mains d'un nommé Acabath, regna lōguemēt,
ayāt occis plus de trois cēs des autres lignées.

37

*Les roys de
Leon.*

Cependāt que les Maures tenoient l'Eſpai-
gne, les Chreſtiens ſe créerent un roy, nom-
mé Pelagius, pres Aſtor, ou ilz ſe tenoient ce-
lez. Pluſieurs diſent qu'il eſtoit filz de Theo-
frede, & frere de Roderic, & les autres de Fa-
ſilla duc de Biſquaie. Ceſtuy cy (avec l'aide
diuine

diuine & de peu de gens) reduisit ses voisins à la foy Chrestienne, & s'intitula roy d'Asture & de Leon, combien que ses deuanciers se disoient roys des Goths. Il regna vingt ans.

Faßilla son filz regna vn an, & fut occis d'un ours à la chaffe. 2

Alphonse filz aîné de Pierre de Bisquaie paruint à la couronne, par ce qu'il auoit espou- 3
sé Ornosuba seur de Faßilla. Cestuy deracina la secte Arriane, qui auoit pullulé en Espaigne par long temps, & gaigna plusieurs citez & chasteaux sur les Maures, à raison dequoy fut surnommé le catholique. Il mourut l'an *Surnom de Catholique* 4
vingt & vn de son regne.

Froilla son filz luy succeda, lequel au treizieme an de son regne fut tué par Aurelio son frere, & ne peut faire regner son filz Veremond. 4

Aurelio apres l'homicide commis, subitement occupa le regne, & le tint sept ans, & mourant sans filz, adopta Veremond son ne- 5
ueu pour heritier.

Silló luy succeda, lequel auoit pour femme 6
Egimáde seur d'Aurelio, & ayant chassé Veremond, regna seul six ans.

Mauregato filz bastard d'Alphonse le Ca- 7

Tribus de
pucelles.

holique succeda à Sillon, & domina sur les Maures, ayant fait pactio avec leur roy, que tous les ans luy deuoiēt enuoyer vn nombre de pucelles pour tribut.

8

Veremond nepueu ou petit filz d'Alphōse regna deux ans apres Mauregato. Il eut deux filz, Raymire & Garſias. Sa femme (de leur cōſentement) ſe rendit nonnain, & luy ſe feit moyne, laiſſant le royaume à Alphonſe ſon couſin filz de Froilla.

9

Lxx. mil
Maures occiſ.

Alphonſe donc deuxieſme du nom, ſurnommé le chaſte, luy ſucceda. Il occit en vne bataille ſoixante & dix mille Maures, qui auoiēt mis à ſac le pays d'Aſture, des deſpouilles deſquelz il edifia deux monaſteres Ouen-tenefe & Aſturieſe. Il regna quarante & vn an, iuſques au temps que Charlemaigne dominoit ſur les François.

10

Raymire filz de Veremōd regna apres Alphonſe ſix ans & neuf moys.

11

Ordone ſon filz regna dix ans, & laiſſa quatre filz, Alphonſe, Veremond, Minio, & Froilla.

12

Alphonſe troiſieſme du nom ſurnommé le grand, filz d'Ordone, regna quarante ans, &

Cruauté.

feit creuer les yeulx à ſes trois freres, à fin qu'ilz

ET DE CASTILLE. 7

qu'ilz ne regnassét. Il eut quatre filz, Garfias, Ordonio, Froilla, & Gonsalue archediacre d'Ouesitense.

Garfias regna trois ans apres son pere, & mourut sans hoirs. 13

Ordonio son frere luy succeda. Il feit occire quatre contes de Castille: à raison dequoy les nobles & le peuple se rebellerent contre luy, & creèrent des gouuerneurs de la republique, entre lesquelz estoiet Minio, Rasurauano, & Laino le chauue, desquelz ont prins origine les Roys de Castille. Ordonio laissant Alphóse & Raymire ses deux filz, mourut l'an huietiésme & six moys de son regne. *Origine des roys de Castille.* 14

Froilla deuxiésme du nom chassant les enfans de son frere Ordonio, regna vn an & vn moys, & mourut de lepre, laissant quatre filz, Alphonse, Raymire, Ordonio & Froilla. 15

Alphonse quatriésme du nom filz de Froilla tint le regne cinq ans & six moys. 16

Raymire second du nom regna apres son frere Alphóse vingt & vn an & deux moys, laissa deux filz Ordonio & Sanctius. 17

Ordonio troisiésme du nom succeda à son pere Raymire. Sanctius son frere s'efforça de le chasser du regne à l'aide de Garfias. 18

DES ROYS D'ESP.

de Nauarre frere de sa mere, & de Fernand Gonsalue conte de Castille son beau pere: mais la chose ne sortit effect, ains regna Ordonio cinq ans.

- 19 Ordone ou Ordonio quatriesme de nom, filz d'Alphóse, qui auoit esté faict auetugle par son frere, tint le regne quelque temps contre le vouloir de tous. Il fut surnommé le mauuais, pource qu'il ne tint son peuple en paix, & mourut à Cordube.

- 20 Sanctius premier du nom surnomé le gras filz de Ordonio troisieme, vainquit Ordonio quatriesme, qui mourut à Cordube. Il se feit amaigrir mangeant quelques herbes, dont il mourut non sans soupçon de venin. En son viuant il voulut que Castille fust quite de la foy & hommage que deuoient les contes aux Roys de Leon.

*Les contes
de Castille
quites de
leur dom-
mage.*

21

Raymire troisieme succeda à son pere en l'aage de cinq ans, & ayant vescu Roy vingt cinq ans mourut sans hoirs.

22

Veremond deuxiesme du nom regna sept ans. Il mit en route Almazar Roy des Maures, qui l'auoit assailly: mais le Maure ayant redressé son exercite surmonta Veremond & le mit en fuyte, print par force la cité de

*La cité de
Leon prise
par les Mau-
res.*

Leon,

ET DE CASTILLE. 8

Leon, entra au pays de Gallice, saccagea l'eglise de Compostelle, & neantmoins s'abstint du corps de S. Jacques. En fin estât frappé de maladie & ses soldatz mortz, se retira & demeura Veremond vaincu, lequel à son trespas laissa successeur son filz Alphonse né des la premiere femme.

Alphōse cinquiesme du nom, aiant prins le regne, maria sa seur Terasia à Abdala roy des Sarrazis de Tolette, lequel pource qu'elle ne voulut qu'il luy touchast, la renuoya à son frere, & depuis vescu saintement au monastere de S. Pelage. Le Roy Alphonse eut deux enfans, Veremōd qui luy succeda, & Sainte qui fut mariée à Garfias filz de Sanctius cōte de Castille, & depuis à Ferdinand filz de Sanctius le grand roy de Navarre, lequel depuis fut appellé Roy de Castille, & de par sa femme aquit le royaume de Leon. Iceluy roy Alphonse fut nauré à mort, ayant mis le siege deuant le chasteau de Visco en Portugal, que les Maures occupoyent, l'an dixseptiesme de son regne.

Veremōd troisieme du nom filz d'Alphōse, regna dix ans, & eut grandes guerres contre Ferdinand mary de la seur.

*Chasteté
chrestienne.*

23

24

DES ROYS D'ESP.

25

Ferdinand dessus nommé filz du Roy de Navarre, disant auoir droict de par sa femme feur de Veremond, s'empara du royaume de Leon, lequel il bailla à son pere Sanctius qui aussi possiedoit la Castille à cause de sa femme.

26

*Le premier
roy de Cas-
tille.*

Sanctius doncques surnommé le grand Roy de Navarre fut le premier qui s'intitula Roy de Castille & de Leon. Et ne sera hors de propos de traicter cy de son origine.

L'an. 961

L'an de grace neuf cens soixante & vn que les Chrestiens possedoient le royaume de Leõ, que la Castille estoit gouuernée par Cõtes, & les Arabes ou Maures occupoiēt vne partie Cordube, & l'autre partie Tolette, vn certain personnage nommé Enico de la conté de Bigorre, qui est entre les mōs Pirenées, descendit avec plusieurs Chrestiens en la plaine pour soustenir les courses des Arabes, qui destruysoient le pays de Navarre. Et estât ces entreprinſes assez heureusemēt succedées, les

*Origine des
roys de Nau-
uarre.*

Nauarrois le creurent leur roy, lequel laissa le royaume de Navarre à Garſias son filz, & luy à son filz Sanctius, & Sanctius à vn autre Garſias, surnommé le trembleur, auquel succeda son filz Sanctius dit le grand, duquel à

pre.

ET DE CASTILLE. 9

present nous parlons, lequel eut Raymire de sa premiere femme Ferdinād cy deuant mentionné, Garſias & Sanctius de sa seconde. Ferdinand eut Castille comme heritier de par sa mere, & Leon de par sa femme comme nous auōs dit, Raymire obtint Arragō, & s'en feit nōmer premier roy, Garſias eut, Nauarre, & Sanctius eut sa part en Gascongne. mais retournons à Ferdinand.

*Le premier
oy d'Arra
r en.*

Luy s'estant agrandi des deux royaumes eut de sa femme Sanctius, Alphonse, Garſias & vne fille nommée Eliure, & vn bastard nōmé Ferdinand, qui fut cardinal. Il feit guerre à son frere Garſias, qui fut occis en bataille, laissant son royaume de Nauarre à son filz Sanctius. Ferdinand distribua ainsi ses seigneuries: il bailla à son filz Sanctius Castille, à Alphonse Leon, Asture & Franismenie, & à Garſias Gallice & Portugal. Luy mort en l'an mil quarante de son aage fut enseue-ly à Leon, en l'eglise Sainct Isidore.

Sanctius troisieme du nom Roy de Castille chassa son frere Alphonse de Leon, lequel il occupa: & non content de ce, meut la guerre contre son autre frere Garſias Roy de Portugal & de Gallice, en laquelle

DES ROYS D'ESP.

ilz moururent tous deux.

28

Alphonse sixiesme du nom, roy de Leon, qui s'en estoit fuy à Tolette apres la mort de Sanctius son frere, fut roy de Castille. Il espousa six femmes, desquelles il eut six filles & vn filz nommé Sanctius, qu'il engendra en Zaide fille du roy de Sibille, laquelle se faisant baptiser fut nommée Marie. Ce Sanctius mourut en vn faict d'armes combatant contre les Sarrazins. Il eut aussi vne fille naturelle nommée Terasia, laquelle fut mariée à Henry conte de Lorraine, & luy donna en douaire vne partie de Gallice appelée Portugal, & d'iceulx les roys de Portugal ont prins leur origine.

*D'ou sont
issus les roys
de Portuga-
l.*

Le roy Alphonse mit Tolette en son obeissance, mourut sans hoir masle en l'aage de quarante trois ans, & gist au monastere de saint Facond pres sa femme Marie.

29

Alphonse septiesme du nom, filz de Raymond conte de Barcelonne & de Vraque fille d'Alphose sixiesme, fut élu roy par les barons du pays, apres le trespas de son ayeul maternel, cōbien que le roy Alphose d'Arragō luy donnast empeschement, auquel Vraque veufue du conte de Barcelōne s'estoit rema-

ricé.

riée. Cestuy cy voulut estre appellé em-
 reur des Espaignes, & eut deux filz & deux Empereur
des Espain
gnes.
 filles, Sãctius, Ferdinãd, Elizabet & Beatrix.

Il institua Sanctius roy de Castille, & Ferdi-
 nand roy de Leon.

Sanctius quatriesme du nom, surnommé le 30
 desiré, regna en Castille vn an seulement. Il
 eut de Blãche sa fême vn filz nômé Alphôse.

Ferdinãd deuxiesme du nom, apres la mort 31
 de son frere occupa Castille & mourut l'an
 trente vn de son regne.

Alphonse huitiesme du nom, surnommé le 32
 bon, filz de Sanctius quatriesme, eut de son
 espouse Eleonore vn filz nommé Sãctius, qui
 mourut deuant le pere. Il eut deux autres filz,
 Alphonse & Henry : il feit guerre contre les
 Arabes, mais peu heureusement, toutesfois
 redressant ses forces les vainquit, & recou-
 ura certaines places, les ayant combatus vers
 Toulouse, & mourut l'an cinquante troisiẽ-
 me de son regne.

Alphonse neuuiesme du nom, son filz luy 33
 succeda en Castille, & chassa Héry son frere:
 puis ayant regné trente quatre ans mourut.

Henry filz d'Alphonse huitiesme succeda 34
 à son frere, & regna deux ans.

DES ROYS D'ESP.

35

Ferdinand troisieme du nom filz d'Alphō se neuiesme, print à femme Beatrix de Brabant, de laquelle il eut six filz, Alphonse, Federic, Emanuel, Philippe, Sanctius, & Henry. Cestuy cy acheua plusieurs haultes entrepr̃ses dignes de memoire, chassa les Maures hors d'Espaigne, & rendit Granate à soy tributaire. Il regna trente cinq ans.

Granate tributaire des roys de Castille.

36

Alphonse dixiesme du nom, succeda à Ferdinand son pere. Il print à femme Violente d'Arragon, & eut d'elle deux filles, Beringuelle & Eleonore, & six filz, Ferdinand, Sanctius, Iehan, Iacques, Pierre & Berengaire. Il voulut que les histoires du pays fussent escriptes, recouura la ville de Murta sur les Maures, maria sa fille au Roy de Portugal, & luy bailla pour son douaire le cōté d'Alagarbe. A raison dequoy les Roys de Portugal ont esté nommez depuis Alagarbes: lesquelz il exempta de la en apres d'estre contrainctz venir au concile de Castille, qui se tient par chacun an, & les desobligea d'enuoyer trois cens cheualiers en son aide contre les Maures, ainsi qu'ilz y estoient tenus au parauant. Il estoit trescauant en Astrologie, dōt il composa les tables intitulees les tables

Les roys de Portugal nommez Alagarbes.

bles d'Alphonse, & mourut l'an trêtedeuxiesme de son regne. *Les tables d'Alphonse.*

Sanctius cinquiesme du nom son filz, regna apres luy vnze ans. Il eut quatre filz, Ferdinand, Pierre, Philippe & Henry. 37

Ferdinand quatriesme du nom son filz, luy succeda en ieune aage, & regna soubz la tutelle de sa mere: au moyen dequoy les Roys de Nauarre, d'Arragon & de Portugal d'une part, & Alphonse de la corde, & Iehan son oncle d'autre part, luy feirent guerre, mais par la sage conduicte de la mere le royaume fut gardé, avec condition que certaines pieces furent baillées à Iaques d'Arragon par l'arbitrage de Denis Roy de Portugal. On dit de luy qu'il feit precipiter d'une tour en bas deux hommes qui auoient parlé contre sa maiesté, desquelz ne voulant recepuoir la iustification l'adiournerent à comparoistre deuant Dieu dedans trête iours, au terme prefix desquelz il mourut en dormant. *Adiournement deuant Dieu.* 38

Alphonse neufiesme du nom succeda à Ferdinand son pere. Il espousa Marie de Portugal, de laquelle il eut vn filz nommé Pierre, & d'une autre dame nommée Leonore (hors mariage) il eut le conte Henry, Federic mai- 39

DES ROYS D'ESP.

stre de saint Iaques & autres . Il recouura plusieurs citez & chasteaux sur les Arabes, puis ayant regné quarante ans mourut de peste.

40

*Manuaises
meurs du
Roy Pier
re.*

Pietre (ainsi que le nomment les croni-ques de France) ou Pierre premier du nom filz d'Alphonse vnziesme, espousa Blâche de Bourbon, laquelle il repudia à la requeste de Pallida sa concubine. Il fut cruel à ses parens & amis, & occit Federic maistre de saint Iaques. Ses freres Henry , Sanctius & Telio à l'aide du Roy d'Arragon luy feirent guerre, en assaillant Castille. Les François guerroièrent si bien pour Henry, qu'ils le feirent couronner Roy d'Espaigne. Pierre aidé des Gascons & du prince de Galles, recouura son royaume, & en chassa Henry : lequel restaurant ses forces en France accompagné de Bertrand de Guesclin conestable de France, donna six batailles audit Pierre, qui fut prins en la sixiesme, & luy feît Henry couper la teste le vingt deuxiesme an de son regne.

*Le Roy Pier
re eut la tes
te tranchée.*

41

Iceluy Henry deuxiesme du nom eut vn filz nommé Iehan, & vne fille appelée Eleonore, qui fut mariée au Roy de Nauarre, aiât regné huiët ans mourut.

Iehan

Iehan premier du nom succeda à son pere, 42
 print à femme Eleonore fille du roy d'Arragon, de laquelle il eut Henry, & Ferdinand qui fut Roy d'Arragon. Apres le trespas d'Eleonore il espousa Beatrice de Portugal, de laquelle il eut autres enfans. Il mourut d'une cheute de dessus son cheual, aiant regné vnzze ans.

Henry troisieme du nom fut Roy apres 43
 son pere en l'aage de douze ans. Il eut Marie, Katherine & Iehan. Il feit de grans biens à son frere Ferdinād, lequel eut beaucoup d'enfans de la contesse d'Albuquesa femme, à sçavoir Alphonse qui fut Roy de Sicille, Iehan Roy d'Arragon pere de Ferdinād cinquieme du nom Roy de Castille, Henry maître de saint Iaques, Sanctius & Pierre. Ice-luy Henry troisieme decora son regne de plusieurs edifices sacrez & prophanes, & trespassa en l'aage de trentequatre ans, en aiant regné seize ans.

Iehan deuxieme du nom succeda à son 44
 pere en bas aage, iusques à ce qu'il fust paruenue au tēps de discretion. Son oncle Ferdinād & sa tante Marie administrerēt le royaume. Il espousa Marie fille dudit Ferdinand, en la-

quelle il engendra Henry quatriesme.
 D'une autre femme il eut Alphonse & Elizabeth, & regna cinquante ans.

45

*Conquête
 sur les Mau-
 res.*

Henry quatriesme luy succeda, lequel de sa seconde femme Iehan de Portugal eut vne fille Elizabeth, laquelle toutesfois on disoit auoir esté supposée à l'enfantement. Il diminua grandement les forces des Maures à l'aide de quinze princes du Royaume, avec lesquels il gagna les chasteaux de Gilbetrar, d'Estipona & d'Alchidona, qui auoient esté possédez par iceulx Maures. Il donna sa fille Elizabeth en mariage à son cousin Roy de Portugal, mais Elizabeth sœur d'iceluy Henry trouua le moien avec l'aide de grans seigneurs, de se marier secrettement à Ferdinand filz de Iehan Roy d'Arragon, se promettant succeder en Castille apres la mort de Henry son frere, lequel on disoit inhabile à engendrer, & par ce moyen l'autre Elizabeth estre illegitime. De fait apres le trespas d'iceluy Henry, le Roy de Portugal, & Ferdinand d'Arragon vindrent aux armes, mais en fin Ferdinand emporta la victoire.

46

Doncques iceluy Ferdinand cinquiesme du nom en ceste seigneurie, & deuxiesme du
 nom

nom en Arragon, & sa femme Elizabet admistrerent les deux Royaulmes d'Arragon & de Castille, assaillirēt Grenade qui auoit esté *Castille & Arragō mis ensemble.* occupée par les Maures l'espace de sept cens ans, de laquelle ville & du païs d'alentour ilz les chasserent apres plusieurs deffaites, & y *Les Maures chassē de Grenade.* plāterent le nō & la religion de Iesus Christ, en l'honneur duquel y feirent edifier maintes belles eglises: & de la Ferdinand & Elizabet acquirēt le nom de Catholiques. *Nom de Catholiques.* Elizabet enfanta vn filz à Ferdinand qui fut marié à Marguerite d'Autriche, fille de l'empereur Maximilian, renuoyée par Charles Roy de France huiētiesme du nom. Ilz eurent ausi quatre filles, la premiere mariée à deux Roys de Portugal. La deuxiesme à Philippe arche-duc d'Autriche & comte de Flandres pere de l'empereur Charles cinquiesme. La troisieme au filz du Roy d'Angleterre. La quatrieme mariée à Emanuel Roy de Portugal. Or ces deux Roy & Royne catholiques purgerent l'Espaigne des superstitions, chasserent les Iuifz, & les Chrestiens qui tenoient de la loy des Iuifz, & sont appelez Marrannes. *Marrannes.* Ilz feirent alliance avec le Roy de France Loys douzieme & le pape Alexandre sixiesme, à

DES ROYS D'ESP.

condition que le roy Loys douziésme feroit la conquete de Naples, & chasseroit Federic de Castille, ce qui fut brauement executé par les François. La Royne Elizabet trespassa l'an mil cinq cens quatre, & le Roy Ferdinand l'an mil cinq cens seize, aiant regné quarante deux ans.

L'an. 1504

L'an. 1516.

47

Philippe archiduc d'Autriche par le droit de sa femme Iehanne eut le nom de prince de Castille. Il feit alliâce avec Loys douziésme, Roy de France, & mourut l'an mil cinq cens & sept.

L'an. 1507.

48

Charles son filz premier du nom en ceste seigneurie & empereur du nom cinquiesme, à present regnant roy d'Espaigne, espousa Isabeau fille du Roy de Portugal.

49

Philippe son filz prince d'Espaigne.

F I N.

Histoire des Roys

D'ARRAGON.



L'An de grace sept cens trente, ^{Le premier duc des Navarrois & Arragonois.} les Chrestiens d'Espaigne eleurent Garſias Ximenius de la lignée des Gothz, leur capitaine general, pour conduyre la guerre contre les Maures occupateurs dudiect pays.

Garſias Ennicus son filz, second Duc, deliura Pampelune cité capitale de Navarre, de la puissance des Maures.

Fortunius son filz, tiers duc, espousa la fille de Galinde conte d'Arragon, de laquelle il eut Sanctius Garſias, & mourut l'an huit cens quinze.

Sanctius Garſias iiij. duc son filz, conquesta Navarre sur les Maures, & fut tué d'iceulx en vne bataille. Les Maures apres sa mort occuperēt derechef Navarre, iusques au temps de Charlemaigne, qui les chassa d'Espaigne.

Apres son retour en France, les Arragonnois eleurent Ennicus, surnommé Arista, de la nation des Gothz, qui fut le cinquiesme duc, & cōmença à regner l'an neuf cens dou-

⁵ Ce Ennicus est nommé premier duc des Navarrois, en l'histoire d'Espaigne.

DES ROYS

ze. Il reconquesta Nauarre sur les Maures.

- 6 Garſias Ennicus ſixieſme duc, ſon filz fut occis en guerre par les Maures, avec ſa femme Vrraca eſtant enceinte, laquelle ſecourue de Guiuara, homme noble, l'enfant fut tiré du ventre, baptizé, & nommé Sanctius Garceſius, lequel ayant eſté nourry ruſtiquemēt, fut receu (avec bonnes enſeignes) heritier de ſon pere.

- 7 Sanctius Garceſius ſeptieſme duc eut quatre filles & vn filz: à ſçauoir Vrraca femme de Alphoſe roy de Leō, Sainte, femme de Raymire roy de Caſtille, Marie femme d'Ordonio roy de Leon, Blaſquite femme du conte de Cantabrie, & Garſias Sanctius.

- 8 Garſias Sanctius ſon filz, huiſtieſme duc, ſurnommé le trembleur.

- 9 Sanctius ſurnommé le grand ſon filz, fut empereur d'Eſpaigne, il chaſſa les Maures, & les extermina des pays de Nauarre, Arragō, Caſtille, Leon, Portugal, Cantabrie & Gaſcogne. De ſa premiere femme eut vn filz nommé Raymire. De ſa ſecōde eut trois filz, Garſias, Ferdinand, & Sanctius. Garſias accuſa ſa propre mere d'adultere vers l'empereur Sanctius ſon pere, lequel condamna ſa femme à mourir

Ce Sanctius en l'hiſtoire de Caſtille eſt nommé roy de Nauarre.

Acte cruel.

D'ARRAGON.

15

mourir, mais le filz meü de repentance, avec
ses freres demanderent mercy à leur pere, le-
quel leur pardonna, pourueu que la mere in-
nocente le consentist. L'emperiere approuua *Bonté de
mere.*
le pardon, à condition que Raymire son fil-
lastre auroit le royaume d'Arragon comme
vray heritier. Quât à ses propres enfans, Gar *Partage en-
tre les filz
de Sanctius.*
sias l'accusateur son aîné auroit Nauarre, Fer-
dinand Castille, Sanctius (qu'aucuns nom-
ment Gonsale) auroit Gascongne.

Raymire premier roy d'Arragon, filz de *Premier roy
d'Arragon.*
Sanctius, espousa Hermisade (par autre nom
Gibilge) fille du conte d'Armignac, & de Bi-
gorre, dont il eut deux filz, Sanctius & Gon-
salue : & deux filles, l'une nommée Tyresia,
mariée au conte de Prouence, & l'autre Sain-
cte, femme du conte de Toulouse. Il regna
quarantefix ans, & mourut l'an mil soixante *L'an. 1063.*
trois.

Sanctius secöd, roy d'Arragon son filz, eut
de sa femme Felice trois filz, Pierre, Alphöse,
& Raymire. Il obtint grandes victoires con-
tre les Maures, recouura plusieurs places, &
fait edifier certains chasteaux. Il mena guerre
contre son oncle Garsias, duquel il fut victo-
rieux, & l'occit. Il fut à ceste cause roy de Na-

DES ROYS

uarre, & mourut d'un coup de trait au siege d'une ville que tenoient les Maures, ayant regné quarantecinq ans.

3 Pierre son filz tiers roy d'Arragõ, cõquesta la ville d'Osee sur les Maures, apres la deffaiete desquelz on trouua entre les morts quatre restes de Princes ou rois Maures, aornées de richesses d'or & pierres precieuses: en memoire dequoy le roy Pierre les adiousta en ses armes, qui estoit vne croix de gueules en cháp d'argent. Il trespassa l'an mil cent huiet, aagé de trentecinq ans.

*Les armoi-
ries d'Ar-
ragon.*

4 Alphonse son frere, quatriesme roy d'Arragon espousa Vrraca fille du roy de Castille, à cause dequoy il en fut roy. Il chassa les Maures de Sarragossè & autres citez, edifia plusieurs villes, changea les noms d'aucunes, & mourut sans hoirs l'an mil cent vingtsix.

*Vn moyne
esleu Roy.*

5 Raymire ij. du nom, frere des roys Pierre & Alphonse, qui estoit moyne de l'ordre S. Benoist en France, par dispense du Pape fut eleu roy par les Arragõnois. Il mena guerre cõtre Garcias Raymire, qui luy detenoit Nauarre. Il maria sa fille Petronille à Raymond conte de Barcelonne, auquel il donna le royaume.

6 Alphonse deuxiesme du nom en ceste mai-

son d'Arragon filz de Raymond Berengaire dixiesme conte de Barcelõne, & de Petronille fille dudict Raymire, fut le sixiesme roy d'Arragõ, & vnzieme cõte de Barcelõne. Il espou-
sa Saincte fille du roy de Castille, de laquelle il eut trois filz & trois filles, à sçauoir Pierre son successeur, Alphonse cõte de Prouëce, Ferdinand moyne & abbé, Cõstãce femme du roy de Hongrie, & depuis femme de l'empereur Federic, Leonore femme du cõte de Toulouse, & Saicte fẽme du filz du cõte de Toulouse. Il mourut à Parpignan l'an mil cõt nonãtsix.

Pierre deuxiesme du nom son filz, septiesme roy d'Arragon, & cõte de Barcelõne, succeda à son pere en l'aage de vingt ans, & espou-
sa Marie fille de Guillaume de Montpessier, laquelle il mena à Rome, ou il fut couronné d'vne couronne faicte de pain sans leuain, en l'eglise saint Pancrace, par le Pape Innocent tiers : & depuis tous ses successeurs ont esté ainsi courõnez en Sarragoce par l'euesque de Tarracon. Il eut guerre à Symon conte de Monfort, en laquelle il fut occis.

*Les roys de
Arragõ cou-
ronnez de
vne couron-
ne de pain
sans leuain.*

Jaques filz de Pierre, huietiesme roy, espou-
sa Leonore fille du roy de Castille, de laquelle le Pape Gregoire le separa à cause de con-
sanguinité. Depuis espousa la fille du roy de

DES ROYS

Hongrie, de laquelle il eut trois filz & cinq filles, Pierre son successeur, Jaques Roy des Maïorques, Sanctius euesque de Toletre, Isabel femme du roy de France, Violente royne de Castille, Constance femme d'Emanuel, frere du roy de Castille, & Marie qui mourut ieune. Il eut autres femmes & autres enfans, feit guerre aux Maures en Grenade, & mourut ayât prins l'habit de moyne de Cisteaux,

L'an. 1276.

9

Pierre troisieme du nom son filz, neufiesme roy d'Arragon, & cõte de Barcelõne, espousa Constance fille de Manfroy, qui regna en Naples & Sicille, & à ce moye querella les dictz royaumes cõtre Charles duc d'Aniou, frere du roy saint Loys. Il mourut l'an mil

L'an. 1286

deux cens quatre vingtz six, aagé de cinquãtecinq ans, laissa quatre filz & deux filles, Alphonse, Jaques, Federic, & Pierre, Isabel royne de Portugal, & Constance femme de Robert roy de Naples.

10

Alphõse troisieme du nom son filz, dixiesme roy d'Arragon, & conte de Barcelonne, ne se maria, vesquit saintement, & mourut

L'an. 1292.

l'an mil deux cens quatre vingtz douze, en l'aage

l'aage de vingtsept ans.

Iaques deuxiesme du nom, frere d'Alphō-
se, laissa son droict du royaume de Sicile à son
frere Federic, & fut l'vnziesme roy d'Arra-
gon, conte de Barcelonne & de Valence. Il es-
pousa Blāche fille de Charles roy de Naples,
apres la mort de laquelle il se maria avec Eli-
sende de Moncatin. Il mena guerre contre
son frere Federic, afin de rēdre le royaume de
Sicile à Charles d'Aniou: & mourut l'an mil *L'an. 1327.*
trois cens vingt & sept, aagé de soixāte & six
ans.

Alphonse quatriesme du nom, surnommé
le Benin, filz de Iaques, fut le douziesme
roy d'Arragon. Il conquesta l'isle de Sardine,
espousa Tirefie, dont il eut Pierre son succes-
seur, Iaques, Federic & Alphonse, avec vne
fille: espousa depuis Leonore, fille du roy de
Castille, de laquelle il eut Ferdinand, Iehan
& Cōstance femme de Iaques dernier roy
des Maiorques. Il trespassa à Barcelonne l'an *L'an. 1336.*
mil trois cens trentesix.

Pierre quatriesme du nom son filz, surnom-
mé le ceremonieux, treiziesme roy d'Arra-
gon, & conte de Barcelonne, mena guerre cō-
tre Pierre roy de Castille, à la suscitation de

. DES ROYS

Henry frere dudiect roy de Castille. Il espousa Marie fille du roy de Nauarre, de laquelle il eut vn filz nommé Pierre, & trois filles, l'une desquelles fut mariée à Federic roy de Sicile. Sa deuxiesme femme fut Leonore fille du roy de Portugal. Sa troisieme femme fut Leonore fille du roy de Sicile, de laquelle eut deux filz, Iehan & Martin, & Leonore femme du roy Iehan de Castille. Sa quatrieme femme fut Sibile Forciane, ieune femme vefue, & fille d'un pauvre homme, de laquelle il eut Isabel, qui fut mariée à un conte du pays. Il regna cinquante & un an, & mourut l'an mil trois cés

L'an 1387. quatre vingtz sept, aagé de septantedeux ans.

14

Iehan filz de Pierre fut le quatorzieme roy, lequel espousa Mathée fille du conte d'Armignac, de laquelle il eut Iehanne, qui fut mariée à Mathieu conte de Foix. Apres il se maria avec Violente fille d'un duc, de laquelle il eut un filz qu'on appelloit le Daulphin de Gironde, & une fille appelée Violente, qui fut mariée à Loys roy de Naples, & duc d'Anjou. Il mourut soudainement en la province de Tarracon, estant à la chasse, l'an mil trois cens nonantefix.

*Le daul-
phin de
Gironde.*

L'an 1396.

15

Martin frere du roy Iehan quinzieme roy
d'Arragon

d'Arragon, & conte de Barcelonne, eut à femme Marie fille du côté de la Lune, de laquelle eut vn filz aussi nommé Martin, qui espousa la fille de Federic roy de Sicile. Il fut couronné en l'église saint Saluateur en Sarragossè, l'an mil trois cens quatre vingtz dixhuiet. *L'an. 398*
 Depuis espousa Marguerite fille du conte des prez, mourut sans hoirs l'an mil quatre *L'an. 1410*
 cens & dix, & regna quatorze ans.

Ferdinand filz de Iehan roy de Castille, & *16*
 de Leonore fille du roy Pierre d'Arragon, quatriesme de ce nom, comme le plus prochain à la couronne de par sa mere, fut le seiziesme roy d'Arragon, nō obstant beaucoup d'autres princes competeurs. Il fut couronné à saint Saluateur l'an mil quatre cens douze, regna quatre ans, & mourut l'an de son aage quarantetrois. *L'an. 1412.*

Alphonse cinquiesme, surnommé le magnanime, filz de Ferdinand, fut dixseptiesme *17*
 roy d'Arragon, roy de l'une & l'autre Sicile, *Alphonse*
 & conte de Barcelonne, homme de grande *saint renom*
 erudition & eloquence en lettres Latines. Il *mé es histoi*
 espousa Marie fille de Henry son oncle, roy *res.*
 de Castille. Il eut depuis autres femmes, & vn
 filz appellé Ferdinand, qu'il intitula roy de

DES ROYS

Naples:& deux filles,dont l'une nommée Marie fut femme du Marquis de Ferrare, l'autre nommée Leonore fut mariée au filz du duc de Suesse. Il laissa les royaumes d'Arragon & de Sicile à Iehan son frere,& mourut l'an mil quatre cens cinquante huit, aagé de soixante & cinq ans.

L'an. 1458

18 Iehan deuxiesme du nom, frere d'Alphonse, fut le dixhuitiesme roy d'Arragon. Il espousa Blanche fille de Charles roy de Navarre, de laquelle eut vn filz nommé Charles, Prince de Viéne,& deux filles, l'une mariée à Henry roy de Castille, l'autre à Gaston cõte de Foix. Il eut en secondes nopces Ichanne fille de Federic de Castille, dont issirent Ferdinand roy catholique,& Ichanne femme de Ferdinand roy de Naples. Il feit guerre contre son filz Charles prince de Vienne,& contre les Gothelans. Deceda à Barcelonne, l'an mil quatre cens septateneuf, en l'aage de quatre vingtz quatre ans.

L'an. 1479

19 Ferdinand deuxiesme du nom son filz, dix-neufiesme roy d'Arragon, espousa Elizabeth fille de Iehan deuxiesme du nom, roy de Castille, femme de force & de vertu, & aymant iustice. En leurs lettres & actes s'intitulerent
Ferdinand

Ferdinand & Elizabet les Catholiques, roy & royne de Castille, de Leon, d'Arragon, & Sicile. Ilz exterminerent de leurs royaumes & seigneuries les heretiques & les Iuifz, edifierent plusieurs tēples & eglises, eurent guerre contre Alphonse roy de Portugal; & cōtre les Maures de Granate. Agrandirent leurs principaultez, & furent personnes aymans la religion Chrestienne. La royne Elizabet trespassa le vingtsixiesme iour de Nouēbre, l'an *L'an. 1504.* mil cinq cens quatre. Le roy Ferdinand alla de vie à trespas au lieu de Madrig le vingt & deuxiesme iour de Ianuier, l'an mil cinq cens *L'ac. 1516.* seize, en l'aage de soixāte quatre ans, ayant regné quarāte deux ans. Leurs enfans sont Iehā *Genealogie des roys Catholiques.* qui mourut ieune, estāt marié avec la fille de l'empereur Maximiliā, Isabel qui fut mariée à Alphonse filz de Iehan roy de Castille, & depuis à Emanuel roy de Portugal. Iehanne qui fut mariée à Philippe Archiduc d'Autriche, desquelz sont issuz l'Empereur Charles cinquiesme, Ferdinand roy de Hōgrie, Leonore qui premieremēt espousa Emanuel roy de Portugal, & depuis François premier du nom roy de France, & Catherine femme de Iehan roy de Portugal. La troisieme fille des

DES ROYS D'ARRAGON.
roys Catholiques, est Marie femme d'Emanuel roy de Portugal: d'elle est yssu Iehan à present roy de Portugal. La derniere fille des roys Catholiques, est Catherine royne d'Angleterre. Le roy Ferdinand eut d'avantage autres enfans illegitimes de plusieurs nobles femmes, à sçavoir Alphonse d'Arragon, Iehanne d'Arragon, & deux filles nommées Maries.

F I N.

Histoire des ducz & ROYS DE BOHEME.



Boheme est vne partie de Germanie, assise oultre le fleuve de Danube vers la mer Septentrionale, du costé d'Orient elle a les Morauiens, de Septentrion les Saxons & Turingues, d'Occident le pays de Bavières, de Mydi les riués du Danube. Ceulx de ceste terre se disent issus des Esclauons. *Assiete de Boheme.*
 Les Esclauons (disent ilz) sont ceulx qui apres le deluge edifierét la tour Babel, ou fut faicte la confusion des langues (car esclauon signifie grád parleur) lesquelz aiant delaisé le champ Sénaar, vindrent d'Asie en Europe, ou ilz se planterent. Ce sont ceulx de deça qui se vantent de la plus antique origine. *Esclauons.*

Zechius Croatinus de noble lignage fut le premier aiant domination sur le peuple de Boheme, luy aiant perpetré homicide s'enfuyt en ceste region, & feit sa demeure en la montaigne de Cherip, laquelle a le regard sur le fleuve d'Albe, & autres arrosans toute la Boheme. Son frere Leches compaignon *Le premier duc de Boheme.*

DVCZ ET ROYS

*Le nom de
Pologne.*

*Nom des Bo
hemiens.*

de son exil occupa les planures des champs
de deuers Orient qu'il appella Pologne. Car
en langue Esclauonique la plaine d'un champ
s'appelle Pole. Ceulx de Pologne appelle-
rent la famille de Zechius Bohemiens, c'est
à dire deriuez ou issus. Apres le trespas de
Zechius premier duc de Boheme, la prouin-
ce fut long temps sans prince & sans loy, &
fut gouvernée par la multitude.

2

*edification
du chasteau
de Crocanie
& celuy de
Brele.*

Les Bohemes las de tel gouvernement e-
leurent pour leur second duc Crocus hom-
me noble, sage & aymant iustice, qui les re-
git en paix & à l'vtilité du pays. Il edifia le
chasteau nommé Crocanie: & apres son tref-
pas laissa trois filles, Brele qui fit edifier le
chasteau de Brele, laquelle fut docte en l'art
de medicine: Therba ou Therbiza forcierre &
& diuineresse: & Libussa la plus petite, mais
plus grande es sciences humaines.

*Superstition
obseruée
pour electio
d'un mary.*

Libussa fille de Crocus gouerna ceste re-
gion quelque temps: mais les peuples vou-
lans estre soubz la dition d'un homme, la con-
traignirent de se marier, ce qu'elle feit, à un
que la superstition de ce temps là luy donna,
prenât à mary un laboureur, deuant lequel un
cheual s'estoit arresté, luy ayât esté donné ca-
riere

riere pour ceste cause, comme si le cheual
 l'eust choisy pour prince de ceste terre. Ce
 laboureur nommé Primislaus receu avec des
 miracles fabuleux fut le troisieme duc de Bo
 heme. Il feit fermer de murs la ville de Pra-
 gue capitale du royaume. De son temps Va-
 lasque pucelle & damoiselle de la maison de
 Libussa obtint tiranniquemēt par sept ans la
 principauté de Boheme: & selon la coustume
 des Amazones commanda tuer les hommes
 du pays, feit vne assemblée de filles & pucel-
 les, lesquelles aians à faire à hōmes leurs voi-
 sins, les femelles qui en issoiēt estoiet gardées,
 & les masles auoient l'œil dextre creué. A la
 fin elle & sa compaignie de femmes furēt tou-
 tes occises en vn chāp par le duc Primislaus,
 & ses gens, ou elle seruit de viande aux be-
 stes & oiseaux.

*Prague ville
capitale.*

*Principauté
de filles, &
femmes.*

Nimislaus filz de Primislaus & de Libus-
 sa fut le quatriesme duc de Boheme.

Mnata filz de Nimislaus cinquiesme duc
 de Boheme.

Vorcus filz de Mnata sixiesme duc de
 Boheme.

Vinslaus filz de Vorcus septiesme duc de
 Boheme.

DVCZ ET ROYS

8 Gremonislaus autrement dit Neclam filz de Vinflaus huiſtiesme duc de Boheme eut bataille contre son oncle Vratisslaus, qui luy vouloit oster sa domination, & eut victoire de luy.

9 Nostiricus filz de Grezomisslaus neufiesme duc de Boheme.

10 Borſiuoius son filz dixiesme duc de Boheme & dernier payen fut baptisé avec sa femme Ludmilla par S. Methodius archeuesque de Moraue, l'an de grace 995.
Le premier duc de Boheme Chrestien.
L'an. 995.

11 Spiligneus filz de Borſiuoius vnzieme duc de Boheme.

12 Vratisslaus son frere fut apres luy douzieme duc de Boheme.

13 Věceslaus premier filz d'Vratisslaus trezieme duc de Boheme fut tué de son frere Boleslaus. Il est réputé saint & martyr.

14 Boleslaus apres auoir occis son frere fut quatorzieme duc de Boheme.

15 Boleslaus deuxiesme du nom son filz, quinzieme duc de Boheme, fut de grande vertu, fait edifier vingt eglises, & regna trente deux ans.

16 Boleslaus troisieme du nom, son filz seizieme duc de Boheme.

Vdali-

Vdalricus son frere dixseptiesme duc de Boheme. 17

Bisetislaus filz d'Vdalricus dixhuietiesme duc de Boheme, rauit en sa ieunesse Iutha fille de l'Empereur Othon nonnain à Ratisbonne, & l'esposa: pour venger laquelle iniure, l'Empereur vint en Boheme à grosse armée. Vdalricus avec son filz bien equipez de gendarmerie allerent au deuant. Les deux armées estās l'une deuant l'autre, Iutha les cheueux espars, la face egratignée, ses habitz desfirez, en pleurs & larmes se mit entre les deux batailles, & par ses sages remonstrances recōcilia son mary avec son pere. Il eut d'elle cinq filz, Spitigneus, Vratislaus, Conrad, Iaronurus, & Othon. De son temps Boheme deuoit à l'Empereur tous les ans cent vingt beufz, trēte marcz d'or, & cent cinquāte marcz d'argent. Il trespassa l'an mil cinquante deux. 18

Acte pitoyable.

Boheme tributaire à l'Empereur.

L'an. 1052.

Spitigneus deuxiesme du nom filz de Bisetislaus dixneufiesme duc de Boheme. 19

Vratislaus premier du nom en tiltre de Roy, frere de Spitigneus, vingtiesme duc de Boheme, eut de sa premiere femme Adilbeide vn filz nommé Bisetislaus, & deux filles. De sa deuxiesme femme nommée Suatane 20

Premier Roy de Boheme.

DVCZ ET ROYS

cut quatre filz, Boleslaus, Borziuislaus, Vladislaus, & Sobieslaus. Il fut declairé & intitulé Roy de Boheme par l'empereur Henry quatriesme, en vn concile de Magonce l'an mil octante six, & furent ioinctz à ce royaume Pologne, Slesie, Lusatie, & Moraue.

L'an. 1086

21

Après son trespas son frere Conrad fut vingt & vniesme duc.

22

Bisefislaus deuxiesme du nom filz d'Vratisslaus dessusdit fut vingt deuxiesme duc.

23

Boleslaus quatriesme du nom, frere de Bisefislaus vingttroisiesme duc.

24

Borziuislaus frere de Boleslaus vingtquatriesme duc.

25

2. Roy.

Vladislaus leur frere vingtcinquiesme duc, & premier du nom en tiltre royal fut second roy de Boheme, par la concession de l'empereur Frederic premier, avec lequel il alla faire la guerre contre les Milannois, en laquelle expedition il print pour armoiries vn Lion de Gueules en champ d'argent, & apporta de Milan le candelabre de Salomon qu'il mit en l'Eglise sainct Vite, en la ville de Prague.

Armoiries
de Boheme.
Candelabre
de Salomō.

26

Sobieslaus filz du premier Roy regna cinq ans sous tiltre de duc, & fut le vingtsixiesme, puis enuoyé en exil.

Fre-

DE BOHEME. 23

Frederic filz de Vladislaus le deuxiesme Roy, fut vingtseptiesme duc. 27

Conrad deuxiesme du nom duc vingt-huictiesme. 28

Bisetislaus troisiemes du nom, autrement nommé Henry, tint l'euesché de Prague & le duché ensemble, par quinze ans, & fut le vingtneufiesme. 29

Venceslaus deuxiesme du nom son frere obtint apres luy le principat, & fut duc trentiesme. Ceulx cy regnerét quasi comme par force. 30

Primislaus premier du nom en tiltre de Roy filz du second Roy Vladislaus, chassa Venceslaus par armes, & fut le troisiemes Roy. 3. Roy de Boheme.

Apres son trespas Véceslaus son aîné filz, premier du nom en tiltre de Roy, luy succeda au royaume. 4

Othocarus son frere autrement nommé Primislaus, Marquis de Moraue fut le cinqiesme Roy apres luy. Il estendit son royaume depuis la mer mediterrannée iusques au Danube & à la mer Adriatique. Il espousa Marguerite duchesse d'Autriche veufue de l'Empereur Henry filz du second Frederic: 5

Accroissimẽs
du Royau-
me.

DVCZ ET ROYS

& acheta de Vlríc Carinthie, Carniole, Sclauonnie, & autres terres qu'il adioignit au royaume. Il feit guerre aux Hongres, fonda la ville de Kunigsberge, c'est à dire Montroyal, & eut querelle à l'Empereur Rodolphe, pour avec lequel se pacifier accorda de luy faire hommage en secret, dans son pavillon

*Hommage
secret du roy
de Boheme
à l'empereur
de couuert
par industrie.*

couuert, pour n'estre veu de personne: mais faisant à genoulx les promesses de fidelité, le pavillon par industrie pourpensée se fendit en quatre parties depuis le hault iusques en bas, & fut veu le Roy de Boheme de tous les soldatz à genoulx deuant l'Empereur. Luy indigné de ce faict, & irrité de sa femme, dressa vne bataille contre l'empereur, en laquelle iceluy roy fut occis, l'an mil deux cens septantehuiet.

L'an. 1278

6

Venceslaus deuxiesme du nom filz d'Othocarus regna apres son pere des l'aage de sept ans soubz la tutelle d'Othon marquis de Brandebourg. Il espousa Iutha sœur de l'empereur Albert, de laquelle il eut vne fille du nom de la mere, laquelle il maria à quelque vn de la famille des Vrsins. Il maria aussi sa sœur Agnes à Rodolphe filz de l'Empereur Rodolphe, qui mourut à Prague & y gist: & d'eulx

d'eulx issit Iehan qui de sa main occit l'Empereur Albert. Venceslaus subiuga Pologne, de laquelle il establit son filz Venceslaus roy pour quelque temps. Il trespassa en l'aage de trentetrois ans, & est tenu pour sainct.

S. Venceslaus

Venceslaus troisieme du nom son filz degenera des bonnes meurs paternelles, car il se laissa aller à iurongneries, & à toute espèce de luxure, en fin il fut occis de trois playes, en la maison du Doien de l'euesché d'Olomutie cité de Moraue estant aagé de vingt deux ans.

7

Fin de prince mal vivant.

Les Bohemes estans sans prince eleurent pour Roy Henry duc de Carinthie, qui auoit espousé Anne sœur du Roy trespasé: mais l'Empereur Albert entra en armes à Boheme, & y constitua Rodolphe son filz Roy: auquel (pour mieulx confirmer le regne) il feit espouser Elizabet veufue de Venceslaus deuxiesme. Cestuy cy trespas sans hoirs, l'an premier de sa domination.

8

Après la mort de Rodolphe, les Bohemes differens entre eulx, les vns eleurent pour Roy Frederic frere de Rodolphe,

9

DVCZ ET ROYS

& les autres Henry de Carinthie, lequel gagna la faction, quelque empeschement que luy sceust donner l'empereur Albert & l'empereur Henry septiesme, conte de Luxembourg, lequel feit espouser Elizabet sœur de Venceslaus troisieme aagée de dixhuiët ans, à son filz Iehã, qui n'auoit que quatre ans, en la ville de Spire. Henry de Carinthie donq obtint le royaulme contre trois filz d'Empe-
 reurs, à sçauoir, Rodolphe, Frederic, & Iehan, iusques à ce qu'estant la ville de Prague assiegée, les citoyens la liurerent à Iehan. A ceste cause Henry fut contrainct d'en sortir & s'en fuir en Carinthie, & depuis ce temps iusques à l'empereur Sigismond Boheme fut en la puissance de la maison de Luxebourg, quasi cent vingt fix ans.

*Le royaume
de Boheme
tombe entre
les mains des
empereurs
de la maison
de Luxem-
bourg.*

10

*Les annales
de France dis-
sent ce Iehã
estre filz de
Henry de Lu-
xembourg em-
pereur.*

Iehan duc de Luxembourg filz de l'Em-
 pereur Albert estant saisi de Boheme la gou-
 uerna en main forte, & s'intitula vicaire de
 l'Empire. Les grans seigneurs luy soustrai-
 rent sa femme, & luy feirent la guerre, dont
 il fut victorieux & les feit venir à raison. Sur
 son aage estant devenu aueugle vint au se-
 cours de Philippe de Valois Roy de France
 contre les Anglois, ou il fut tué à la bataille
 de

de Crecy, ayant regné trentecinq ans.

Charles son filz cōmencea à regner en l'aage de trente & vn an. Son premier nom fut Venceslaus, mais au sacrement de confirmation son nom luy fut mué par Charles Roy de France. Cestuy honora & enrichit grandement le royaume de Boheme, tant à l'augmentation de la religion Chrestienne, que par discipline de loix & bōnes meurs. Il feit clore de murs la ville de Prague, y edifia vn palais royal, y establit escole des artz liberaulx, & y fonda plusieurs monasteres. Puis estant faict empereur feit l'eglise de Prague metropolitaine de Boheme, ayāt esté au parauant subiette à l'eglise de Magonce. Son filz Sigismond fut adopté par Loys roy de Hongrie, lequel eut de belles victoires contre les Turcz, & deffist trente prince d'iceulx.

Venceslaus quatriesme du nom filz dudit empereur Charles le quart, fut roy de Boheme du vivant de son pere, ayant seulement deux ans, & fut courōné roy des Rommains en l'aage de quīze ans. Il degenera des meurs du pere, s'adonna à toutes voluptez sans aucū soing du royaume, dont les barons indignez le tindrēt prisonnier dix sept sepmaines: mais

*Ce fut en
l'an mil ccc.
xlvj. annal.
de France.*

11

*Il faudroit
que ce fust
Charles le
bel, iij. du
nom.*

*Les actes
vertueux de
l'empereur
Charles à
Boheme.*

12

DVCZ ET ROYS

Iehan duc de Lusatie & Procope marquis de Morauie le remirēt en liberté. Pour la secon de fois Sigismond Roy de Hongrie son fre re le feit prisonnier, & le bailla en garde à Al bert duc d'Autriche, dont il eschappa, & se remit en possession du royaume, & pour au tant qu'il ne mua ses mauuaises meurs, les ele cteurs le priuerēt du droit de l'empire. Soubz son regne au Royaulme de Boheme se leua l'heresie des Hulsites, qui fut condannée au concile de Constāce, & les Heresiarches Iehā Hus & Ierosime de Prague furent bruslez: mais le nōbre d'iceulx & de leurs erreurs fut si grand, q̄ le roy Venceslaus n'estant le plus fort fut contrainct se retirer en son chasteau de Vilsgrade, ou il trespassa ayant regné cin quante cinq ans.

13. Sigismond frere de Venceslaus & filz de Charles trouua le royaume infect des hereti ques, contre lesquelz faisant la guerre n'eut pas tousiours du meilleur: toutesfois il les sur monta, & obtint la couronne du royaume. En fin apres plusieurs guerres & dissentios, & qu'il eut mis Boheme en quelque repos, il fut couronné empereur. Par son testament il laissa le royaume à Albert archiduc d'Autri che,

*Venceslaus
priné de l'e
pire pour
ses mauuai
ses cōditōs.*

*Les hereti
ques de Boheme.*

*Sigismond
faict empe
reur.*

che, qui auoit espouſé Elizabet ſa fille.

Albert Roy des Rommains ſe voulât enſaiſiner du Royaume de Boheme trouua Caſmur roy de Pologne pour competitor, lequel il combattit & vainquit. Il feit guerre contre les Turcz, & mourut au retour d'icelle, comme il alloit à Vienne, laiſſant vn filz nommé Ladislaus, qui fut couronné roy de Hongrie.

14

*Les vieilles
hiſtoires Frã
çoiſes le nô-
ment Lance
lot.*

Pource que le Roy Albert auoit laiſſé ſon filz Ladislaus fort ieune, il y eut de grâdes diuiſions en Boheme & Hongrie, iuſques à ce qu'il fuſt paruenue en aage: mais apres quelques batailles, & qu'aucuns eurent eſté deſmis de leurs charges & eſtatz, finalement tous ſe rengèrent d'vn accord & couronnerent Ladislaus en la ville de Prague. De ſon temps y eut vn different entre le conte de Cilie & Iehan Huniad homme vertueux, & qui auoit bien donné à congnoiſtre en Hongrie ſa proeſſe contre les Turcz. Ce Iehan Huniad laiſſa vn filz nommé Ladislaus, qui en fin occit le conte de Cilie, dont il porta la penitence, car le Roy Ladislaus luy feit trancher la teſte. Ce Roy eſtant ſur le point d'eſpouſer Magdelene fille de Char-

*Diuiſion en
Boheme.*

15

Iehan Huniad.

DVCZ ET ROYS

Charles septiesme Roy de France, ayant persecuté les heretiques de Boheme, & barailé contre les turcz en Hongrie trespassa, les vns disent par poison, les autres afferment qu'il mourut de peste.

*Cōpetiteurs
du royaume
de Boheme.*

Le Roy mort sans hoirs de son corps, le Roy de France, Casimire Roy de Pologne, Guillaume duc de Saxe, l'Empereur Frederic, Sigismond & Albert ducz d'Autriche contendoient pour la couronne de Boheme, pendant lequel temps George Poggiebrae grãd seigneur en ce Royaume & bien adextre aux armes, fut eleu Roy par le consentement des nobles & du peuple.

16

*17
Lancelot.*

Ladislaus filz de Casimire Roy de Pologne fut crée roy par les Bohemes, apres le trespas de George. Il espousa Beatrice royne de Hongrie, au moyen dequoy fut roy de Hongrie le trente & vniesme selon l'ordre d'iceulx. En luy furent vnies les deux Royaumes.

18

Loys son filz Roy de Boheme & de Hongrie, espousa Marie fille de Philippe Archiduc d'Autriche & prince d'Espagne. Il mourut en vne bataille contre les Turcz en Hongrie, en l'an mil cinq cens vingt six.

L'an. 1526.

F I N.

Histoire des Roys

DE HONGRIE.



Alent estoit Empereur, & Damasé premier du nom Pape, ou comme aucuns autres veulent dire, Flavius Iustinus qui succeda à Iustinian imperoit, en l'an de nostre salut trois cens septante trois quand les Huns peuple de Scithie, qu'aucuns appellent Hongres, ayans eleu pour capitaine Chemé, Cadichia & Bela freres, laisserét leur pays: & en nombre de milion & nonante mil avec leurs femmes & enfans, bestail & autres meubles, descendás le long du fleuve Meothide, & passans Madouie & le fleuve Tanais, planterent leur siege & demeure en Pannonie sur les riués du fleuve Titius, ou ilz eurent plusieurs batailles contre les Romains, desquelz ilz furent les maistres, & obtindrent la regio au iourd'huy nommée Hongrie.

L'an. 373.

Origine des Hongres.

Trente ans apres leur venue en ce pays ilz se créerent vn roy nommé Attila, tant renommé par les histoires, qui fut le premier Roy entre les Hongres, homme de grande entre-

Attila premier roy de Hongrie.

DES ROYS

*Armoiries
d'Attila.
Tiltres d'Attila.
Conquestes
d'Attila.*

prise en l'art militaire, lequel portoit en ses armes vn autour couronné, & entre autres tiltres se nommoit roy de Hongrie, de Medes, des Gothz & des Danois, crainte du mode, & fleau de Dieu. Il soubzmit à luy Misie, Acaie, Trace, les Gepides, les Sueues, la Germanie, print Argentine qu'il demolit, & depuis fut nommée Strabourg. Il ruina aussi toutes les Gaules, l'Italie, l'Espaigne, puis s'en retourna en Hongrie, ou il se maria à Milzola fille du Roy des Batiens, mais la nuit de ses nopces vn flux de sang le print par le nez, dont il mourut aagé de cét vingt quatre ans, & de son regne le quarante quatriesme.

*Bataille entre
les filz
d'Attila.*

Entre les filz d'Attila deux contendirent au royaume, l'un Caba qu'il auoit engendré en la fille d'Honorius empereur de Constantinople, l'autre Aladario qu'il auoit eu de la fille du duc de Saxe. Ces deux freres se combattirent l'espace de quinze iours au champ de Bude à leur grande ruine, car l'un y mourut, & l'autre s'enfuit dont ilz estoient venus.

*L'an. 743.
Autre descente
des Hongres.*

Le païs demoura vuide d'habitans & sans Roy, iusques en l'an sept cens quarante trois, que les Hongres se partirent de leur païs avec leurs femmes & enfans, diuisez en sept bandes,

bandes, soubz sept capitaines, & retournerent en Pannonie, qu'ilz diuiserent entre eulx.

Scita l'un des vij. capitaines, fut le premier qui attêta de reduyre les Hongres à la foy Chrestienne, ayât en son exercite plusieurs Chrestiens, & entre autres un nommé Adeodato, de la noble famille de Sâseueri, au royaume de Sicile, lequel tint sur les fons de baptême le roy Estienne premier de ce nom, baptisé par Albert euesque de Racense. Les autres Hongres gouvernez par leurs capitaines vesquirent grand temps de la proye rauie sur les autres nations voisines.

*Le premier
roy Chre-
stien en Hon-
grie.*

L'an neuf cés septantedeux, Estienne ij. du nom, yssu de la famille de Geico, duc de Sigmienſe, fut salué roy par les Hongres. Il chassa Giulia duc de la Transiluanie, mit en sa main la prouince de Erdechelin, vainquit les Esclavons, & ceulx de Bulgarie. Il feit edifier l'eglise d'Albe, ou les rois de Hongrie prennent la couronne, eut un filz nommé Emeric, qui trespassa plustost que luy, & regna trêtessept ans.

*Les roys de
Hongrie
couronnéz
à Albe.*

Pierre s'ensaisina du royaume, au moyen de la vesue royne Cheila sa seur: mais pource qu'il se gouerna trop superbement, les Hongres eleurent roy Abba, qui auoit espousé la seur de feu Estienne. Ces deux se feirent guer

*Guerre pour
la couronne.*

re: mais pource que Abba auoit faict estrangler aucuns des nobles qui auoient coniuéré cōtre luy, Pierre aydé de l'empereur Henry, luy liura bataille, de laquelle fuyāt Abba, fut pris des Hongres en la ville de Scombe, ou il mourut. Depuis son corps fut porté au monastere de Saar. Pierre donques remis en son premier estat royal, feit pis que deuant, à l'occasion dequoy les Hongres appellerent pour regner André & Leuanta du sang royal, qui se tenoiēt en la court du roy des Rutheniens, lesquelz ayans accepté le regne, furent receuz des Hōgres, à cōditiō qu'il leur seroit permis de retourner à la religion de leurs peres gentilsz & idolatres: ce que leur estat accordé, tuerēt tous les euesques & prestres, & bruslerent les eglises, & se tournans cōtre leur roy Pierre, le mirēt en fuitte, & fut occis le xxiiij. an de son regne apres son retour. Son corps fut enterré en l'Eglise de Quinqueriēse qu'il auoit fondée. Et bien tost apres Leuāta finit sa vie.

*Les Hōgres
renouuez à
idolatrie.*

4 André apres la mort du roy Pierre, & de Leuāta, se feit courōner par les euesques Catholiques roy de Hongrie, & fut le quatriesme. Il institua son peuple à la religion Chrestienne, conuoqua en Hongrie son frere Be-

la gendre du duc de Pologne avec sa famille, lequel il feit participant du regne ayant nom de duc. André espousa la fille du duc des Rutheniés, de laquelle il eut vn filz nommé Salomon, lequel eut à femme la fille del'empereur Henry, & par ce moyen fut couronné roy de Hongrie en l'aage de cinq ans, viuât encorés le pere: à raison dequoy Bela indigné, se retira en Pologne, ou il feit amas de gens de guerre, & entrant en Hongrie contre son frere, emporta la victoire, estant André abandonné des siens & occis, lequel fut enterré au monastere sainct Aignen qu'il auoit fondé.

*Bela vain
ctorieux.*

Bela vsant de sa victoire avec grand clemence enuers les capitaines Allemans qui estoïent venuz au secours d'André, print la couronne royale à la ville d'Albe. Il fut le premier q feist battre monnoye d'argēt en Hōgrie, y establit foires pour la marchandise, donna pris à icelle, diminua les cens, tributz & gabelles, feist mettre à mort ceulx du pays qui ne vouloiēt laisser la faulse religiō. Il mourut d'une cheute l'an troisieme de son regne, & gist au monastere S. Sauueur en Zeuczard.

*Monnoye
d'argent.*

Salomon filz d'André (ouye la mort de Bela) entra en Hongrie cōtre Geisa filz d'iceluy

DES ROYS

Bela:& apres longues guerres, feirent paix, à condition que Geisa auroit les terres que son pere auoit possédées premierement,& le tiltre de duc, & Salomon prendroit la couronne royalle. La paix faiëte, les Hongres prindrent les armes pour le prince de Dalmatie contre les Corinthes, les despouilles desquelz ilz dedierent au monastere de saint Iaques. Ilz feirent guerre aux Bohemiës & à ceulx de Bulgarie, mettant siege deuant Albe cité capitale, qu'ilz gaignerent au moyen d'une prisonniere Hongre. Du butin de ceste ville sourdit vn discord enflammé de batailles entre Salomō & Geisa:mais Geisa eut du meilleur, par ce que les seigneurs d'Alemaigne le fauorisoïent. Toutefois touché du remors de conscience, vouloit quitter le royaume à Salomō, mais il ne peut, estant preuenue de mort la iij. année de son regne. Et gist en l'eglise de Vaciense.

Ladislaus filz de Bela, & frere de Geisa luy succeda: leq̃l apres la mort de Zolomero son beaupere, adioignit à la courōne Dalmatie & Croatie, & feit alliance avec Salomon, lequel il mit apres en prison, puis le deliura, & se feirent guerre. Finalement Salomon menant vie solitaire, mourut, & fut ensepulturé à Puola

en

*Despouilles
dediées à
l'Eglise.*

*Dalmatie
& Croatie
adioinctes
à Hongrie.*

en Istrie. Ladislaus domta les Polonois & les Rutheniens, & menât guerre contre Sante-poluch, qui occupoit Prague en Bohême, pour la rédre à Comado duc de Boheme son nepueu, il mourut laissant le royaume de Hōgrie à Almo filz de Geisa, mais Columano frere aîné dudiēt Almo l'emporta.

Columano donques petit de personne, begue, & boiteux, fut faict roy par les Hōgres. Et pourautāt qu'il se leua dissentiō entre luy & son frere Almo, les barons du pays se mirent en debvoir de les pacifier, à cōdition que s'il suruenoit quelque autre different, ilz le vuideroient par combat d'eulx deux, corps à corps. La paix ainsi faicte, il mena son exercite contre les Rutheniēs alors gouuernez par vne dame, laquelle feit descēdre les Huns cōtre les Hongres, lesquelz surpris à l'impourueu, furent occis des Huns. Columano eut de sa premiere femme Ladislaus & Estiēne. De la seconde luy nasquit vne fille appellée Borrich, de laquelle fut né Columano deuxiesme du nom. Il print son frere Almo & Bela filz dudiēt Almo son nepueu, & leur creua les yeulx. Il fut enuoyé du Pape en la Pouille avec l'armée des Venitiens, ou il mourut l'an

9

*Crusé de
frere.*

L'an. III. 4. mil cent quatorze, ayant regné vingtcinq ans & cinq mois.

10

Estienne troisieme du nom son filz luy succeda, lequel print à femme la fille de Robert Guiscard duc de la Pouille. Il enuoya gens cōtre les Rutheniēs, qui faisoient la guerre à son frere. Il dressa vne autre guerre contre les Grecz, desquelz il receut assez de dōmages. Et n'ayant aucun hoir*, institua heritier au royaume son cousin Bela filz d'Almo, auquel Columano auoit creué les yeulx, luy donnāt pour femme la fille du cōte de Seruie, qui luy engendra Geisa. Il trespassa l'an vingtdeuxiesme de son regne.

11

Roy aueugle.

Vengeance.

Bela combien qu'il fust aueugle, tint le regne, & eut trois autres filz d'une dame nommée Helene, à sçauoir Ladislaus, Estienne, & Almo. Il feit cruellement mourir ceulx, par le conseil desquelz Columano auoit faict creuer les yeulx à luy & à son pere. Ce pendant Broicco né d'adultere de la seconde femme de Columano, aspirant au royaume, & aidé des Rutheniens, & des Polonois, s'esleua contre Bela, mais la fin en fut peu heureuse. Bela mourut l'an dixiesme de son regne, & fut enterré à Albe.

Geisa

DE HONGRIE.

31

Gesia deuxiesme succeda à son pere Bela, lequel chassa ses freres de la fortresse de Poson, qu'ilz auoiēt occupée à l'importueu. Il receut les exercites de l'empereur Conrad & de Loys roy de France, lesquelz voiageoient en la terre sainte, regna vingt ans & trois moys, & mourut l'an mil cēt soixante & vn. 12 L'an. 1161

Estienne quatriesme du nom, filz de Gesia fait guerre contre Ladislaus & Estienne ses oncles, desquelz il fut le maistre. Il regna douze ans, & fut enterré à Stridon. 13

Bella troiesme du nom son filz print le regne. Il ne fut trauaillé de guerre, ains viuant en paix aquit grandes richesses, establit loix & coustumes, vesquit dixsept ans, & fut enterré à Albe, laissant deux filz Emeric & André. 41

Emeric regna apres son pere sans aucune guerre le temps de neuf ans, mourut l'an mil deux cens, & gist en l'eglise d'Agrense. 15 L'an. 1200

Ladislaus deuxiesme du nom, son filz, regna apres luy six moys. 16

André deuxiesme du nom, filz de Bella troiesme print la succession du regne apres le trespas de son nepueu. Il eut de sa femme Geltrude trois filz, Bela, Columano, André, & 17

DES ROYS

S. Elizabeth
de Hongrie.
Actes vi
lains.

Vau.

Reliques de
saintz portées
en Hongrie.

Hongrie as-
saillie par
les Tartar-
es.

Elizabeth qu'ilz estimét sainte. La royne Gel-
trude se tua de ses propres mains, de despit
qu'elle eut qu'un sien frere se joignit char-
nellement à vne damoiselle, de laquelle il a-
uoit occis le frere. Le roy André alla en Ieru-
salem pour accomplir le vœu de son pere: & ap-
porta de ces lieux les chefz de saint Estien-
ne premier martyr, & de sainte Margueri-
te, la main dextre de saint Berthelemy, la
main de saint Thomas, & vn des vases au-
quel estoit l'eau alors que nostre Sauueur la
mua en vin. Il regna trente ans, & gist au mo-
nastere d'Egre.

18

Bela quatriesme son filz eut en mariage la
fille de l'empereur de Constantinople, de la-
quelle il eut deux filz, Bela qui mourut ieune,
& Estienne. De son temps les Tartares assailli-
rent Hongrie, contre lesquels il mena son ex-
ercite, mais il eut du pire, perdant toute la ie-
une noblesse du royaume, & estant mis en fuy-
te. Il combatit heureusement contre les Bo-
hemes, mourut en l'isle de Bude l'an trente-
cinquesme de son regne, & gist en l'eglise
nostre dame des freres mineurs.

19

Estienne cinquesme du nom, succeda à son
pere avec meilleure fortune, pource qu'il sur-

monta

DE HONGRIE.

32

monta les Bohemes ayant vaincu leur roy Ottocar^{us} sur le fleuve Rapca, submit à luy les Bulgares, & le tint en deux années qu'il regna. A son trépas laissa deux enfans, Marie qui fut espousée à Charles second roy de Sicile, & Ladislaus.

Ladislaus troisieme du nom succeda à Estienne l'an mil deux cens septante six. De son temps les Cumains entrerent en Hongrie, & la mirent à sac. Il la mirent à sac. Il espousa plusieurs femmes de ceste nation des Cumains, desquelz en fin il fut occis l'an quatreziesme de son regne.

20

Hongrie mise à sac.

22

André troisieme du nom, surnomé le Venetien, arriere filz d'André deuxiesme, & cousin de Ladislaus troisieme, fut roy apres luy. Il regna vnze ans, & gist au conuent des freres mineurs à Bude.

21

Ladislaus quatrieme, filz du roy de Boheme, print la corone & l'an deuxiesme de son regne il dompta l'Autriche, mais le pape Boniface huitiesme estant prié des princes du pays declara roy de Hongrie Charles Robert filz de Charles Martel, filz de Charles roy de Sicile, & de Marie fille d'Estienne cinquiesme du nom roy de Hongrie, pource qu'icel-

22

Mutation de prince.

DES ROYS.

le Marie estoit reputée heritiere de Ladislaus troisieme son frere qui estoit mort sans hoirs. Mais Ladislaus quatrieme, nommé Vinceslaus par les Bohemes, se disoit vray roy & successeur en Hongrie, estat filz de Vinceslaus Roy de Boheme arriere filz d'Anne Royne de Boheme, q estoit fille de Bela quatrieme iadis roy de Hongrie: & aussi la pluspart des euesqs du pays l'auoiēt receu pour leur roy.

23 II Durant ces contentions, les Hongres saluerent roy Otton duc de Bauiere, qui vint
L'an. 1305 en Hongrie l'an mil trois cens cinq, & fut sacré à Albe.

22 Pour mettre fin à ces troubles à la suasion d'un cardinal legat du Pape, qui auoit getté sentence d'excommunication contre les seditieux, le peuple s'assembla au champ appelé Rato, & d'un commun consentement receurent Charles Robert pour roy, & le coronèrent. Cestuy eut trois femmes Marie, fille de Casimir roy de Pologne. Beatrice fille de l'empereur des Romains seur du Roy de Boheme de la maison de Luxembourg. La troisieme Elizabeth fille de Ladislaus duc en Boheme, de laquelle il eut quatre filz, Charles & Ladislaus qui moururent ieunes, Loys &

& André. Felician cheualier coniura contre le roy Charles, & comme il desiuoioit vn matin à Visgrade, le naura en la main dextre, coupa quatre doigtz à la Royne, mais soudainement luy & les autres coniurez furent occis. *Crime de lexe magesté.*

Charles mena guerre contre le Vayuod de Valaquie, en vne rencōtre de laquelle le roy estant vaincu fut contraint de s'enfuyr en habit dissimulé. Il feit paix & alliance avec les roys de Boheme & de Pologne, tint en sa domination la principaulté de Salerne, & le mōt Gazan, les royaumes d'Hongrie, Dalmatie, Croatic, Seruie, Galatie, Lodomerie, Comanie, & Bulgarie, regna quarāte deux ans, mourut à Visgrade l'an mil trois cēs quarāte deux, le 17. iour d'Aoust, & fut enterré à Albe. *vayuod nō de gouuerneur de Province. Les possessions du roy Charles. L'an. 1342.*

Loys succeda à son pere en l'aage de dixsept ans. Il vainquit les Saxons, resista à Iehan roy de Bohēme, qui faisoit guerre cōtre Casimire roy de Pologne: mit à mort grād nombre de Tartares qui molestoient la Transiluanie: feit alliance avec Estienne Bano roy de Bosnie, duquel il print la fille nōmée Elizabet en mariage, & à l'aide d'iceluy deffit les princes de la Croatic & l'assugefit à luy. Il mena son exercite à Naples cōtre la royne Ianne, qui a- *Roy de Bosnie. Cōqueste de Naples.*

DES ROYS

uoit estranglé son mary André, frere dudit Loys, obtint le royaume, feit mourir les coupables de la mort de son frere, mesmement le duc de Durazzo: feit mener prisonniers en Hongrie les deux freres de Loys de Taréte, second mary de ceste royne Iehâne. Il feit vn second voiage en Sicile contre icelle royne, fut blessé deux foys en deux sieges de villes, & trois ans apres aux prieres du pape Clement sixiesme ceda le royaume de Naples à l'eglise, & mit les freres de Loys de Tarente en liberté. Depuis feit guerre contre les Venitiens, lesquels il contraignit habandonner la Dalmatie: surmonta Bernabo & Galeace Vicontes de Milan, qui molestoient Boulongne: voia-gea en Bulgarie, ou il print Stracmero qui s'é- faisoit appeller empereur, & le mit en prison en Gannec, puis le laissa aller aiant receu sa foy d'estre son subget. Il succeda au royaume de Pologne apres le tréspas de Casimir son oncle: chassa les Iuifz de Hongrie, lesquels s'en allerent en Autriche & en Boheme, & feit edifier plusieurs monasteres au nom de la vierge Marie. De son téps les Tartares se feirent Chrestieés, mais ne furent guerres en ce bon vouloir: & les Olaques occu-
rent

*Naples don-
né à l'egli-
se.
Actes excel-
lents du roy
Loys.*

*Tartares
Chrestiens.*

rent Moldauie, qui estoit vuide d'habitans. Le roy Loys eut deux femmes, de la derniere nommée Elizabet eut trois filles, l'aînée nommée Catherine mourut vierge, la seconde nommée Marie fut espousée à Sigismond Marquis de Brandebourg. La troisieme appelée Aduiga espousa Iugule, lequel se faisoit Chrestien avec ses deux freres, fut nommé au baptisme Ladislaus, & luy donna son pere le royaume de Pologne pour succession paternelle. Loys trespassa le troisieme iour de Septembre l'an mil trois cens octante deux, l'an *L'an. 1382.* quarantieme & vingt deux iours, de son regne. Fut enterré à Albe, en l'eglise nostre Dame qu'il auoit fondée.

Après son trespas le royaume de Hongrie escheut à sa fille Marie, laquelle deux *La Roynie Marie.* ans après qu'elle eust esté couronnée, fut trauaillée de ceulx, à qui son pere auoit faict de grans biens: car son cousin Charles filz d'André roy de Naples soubz couleur de paix alla veoir la Roynie Marie & sa mere Elizabet: & s'estant fait seigneur de la forteresse les mena prisonniers à Albe, ou il se fit couronner Roy. Depuis deceu d'Eliza-

DES ROYS

bet & de Nicolas Palatin soubz vmbre de parlement fut pris & mis en prison, ou il mourut de coup ou de venin. La royne sortant de Bude, par fortune fut prise pres le chasteau Diaco, par Iehan Bando de Ornat, lequel occit Biagio & Nicolas, & la nuit suivante feit getter la vicille Royne Elizabet en vn fleuve ou elle fut noyée, & mena la royne Marie en Croatic au chasteau du Cupre, duquel il la mit dehors estât espouuenté de la venue de Sigismond & luy renuoya à Bude.

*La royne
Elizabet
noyée.*

L'an. 1386.

L'an donc mil trois cens quatre vingtz & six, les princes d'Hongrie estans assemblez à Albe, furent celebrez le mariage & le couronnement de Sigismond & de Marie: & cela faiçt le roy Sigismond mena son exercite cōtre Iehan Bando de Ornat, lequel fut pris & occis cruellement. L'an sixiesme de son regne alla contre les Valaques, aidez des Turcz, ou il eut prospere issue. Ce pendant mourut la royne Marie, pourquoy Ladislaus roy de Pologne qui auoit espousé la seur d'icelle Marie, entra en Hōgrie pour la quereller. En ces entre faiçtes Baiazet empereur des Turcz entra en Bulgarie, qui est vne partie de Hōgrie. Sigismond luy resista ver-
tueuse-

*Sigismond
esponse Ma-
rie.*

*Gestes de Si-
gismond.*

*Le Turc en
Hongrie.*

DE HONGRIE.

35

tueusement, mais il fut mis en fuite. De la le
Grand Turc alla en Constantinople, en Dal
matie, & en Croatie. Durant ces choses les
princes de Hongrie appellerent au royaume
le filz de Ladislaus Roy de Pologne qui ia e-
stoit mort, & Sigismond estant retourné en
Hongrie, par le moyen d'aucús euesques fut *Sigismond*
mis en prison au chasteau Soclo, duquel estat *prisonnier.*
eschappé à l'aide de plusieurs se r'ensaisina du
royaume faisant mourir les cõiurateurs. De-
puis ayant regné xxij. ans fut crée Roy des
Romains, de son tẽps fut l'heresie de Ieã Hus *Sigismond*
en Boheme, & de Iean Viclef en Angleterre, *Roy des Ro-*
les sectateurs desquelz furent vaincus en Bo *mains.*
heme par ledict Sigismond, qui en fut Roy *Heretiques.*
apres son frere Venceslaus. Il fut aussi couró *Sigismond*
né empereur à Romme par le pape Eugene *empereur.*
quatriesme: & retournant en Hongrie pour
appaíser le tumulte de Boheme, mourut aiãt
regné en Hongrie trente & vn an, à Boheme
dixsept ans, Roy des Rommains vingt sept
ans, & empereur cinq ans, l'an soixante & di-
xiesme de son aage.

Albert Archeduc d'Autriche gendre de 27
Sigismõd luy succeda aux royaumes de Hõ-
grie & de Boheme, cõme luy auoit esté pro-

DES ROYS

L'an. 1442

mis en prenant en mariage Elizabet fille d'iceluy Sigismond. Il fut couronné à Albe l'an mil quatre cens quarante deux, mena la guerre contre les Hufsites heretiques de Boheme, assembla grand exercite contre les Turcz, au retour duquel voyage trespassa à Nefua l'an ij. de son regne, & fut ensepulturé à Albe.

28

Ladislaus
couronné à
ij. mois.

Iehā Vniad.

La Royne Elizabet demoura veufue enceinte, laquelle iugeât estre grosse d'une fille, les Hongres appellerent Ladislaus frere de Casimir roy de Pologne pour estre leur roy. Ce pendant Elizabet enfanta vn filz nommé Ladislaus, lequel quatre mois apres elle feit porter à Albe, & l'ayant fait couronner en ce lieu s'en retourna à Belgrade. Ladislaus de Pologne qui vsurpoit Hongrie tenoit la forteresse de Bude: & tādīs la Royne emporta la couronne qu'elle enuoia avec sō filz à Federic, qui auoit esté crée empereur. Mais Ladislaus de Pologne à l'aide de Iehan Vniad Vaiuod de la Trāsiluanie, eut du meilleur, & print les enseignes de Roy. Ce Iehā Vniad eut de belles victoires cōtre les Turcz, avec lesquelz on feit trefues pour dix ans: mais les Hōgres les ayant rompues furent deffaitz en vne bataille, & leur Roy Ladislaus occis, l'an quatries-

me

me du regne par luy vsurpé.

Après sa mort les Hongres receurēt pour
leur Roy Ladislaus filz d'Albert, qui estoit
avec l'empereur Federic, en l'an mil quatre
cens quarante six: & luy baillerent pour gou
uerneur Iehan Vniad Vaiuod iusques à ce
qu'il fust en aage: auquel le roy donna le côté
de Bistricense, & les armoiries d'un Lion de
gueules en champ d'argent.

Armoiries.

L'an mil quatre cens cinquante trois La-
dislaus ayant quatorze ans vint en Hongrie:
& deux ans apres Mahomet empereur des
Turcz ayant pris Constantinople, entra en
Hongrie, mit le siege à Nondorable, estans
le Roy Ladislaus & Odalric son oncle ma-
ternel retirez à Vienne, & n'osans affronter
l'ennemy. Iehan Vniad conte de Bistricen-
se donna cœur aux Chrestiens, & liura ba-
taille nauale aux Turcz, en laquelle Dieu
le fauorisa. Et ayant combatu heureusement
mourut de maladie, laissant deux filz, La-
dislaus & Mathias. Apres cela le Roy La-
dislaus retourna de Vienne en Hongrie, &
le conte Oldaric coniurant contre les filz
de Iehan Vniad, fut pris de Ladislaus filz
dudit Vniad, & aussi par luy mesme oc-

L'an. 1453.

*Mahomet
empereur des
Turcz.*

*Victoire con-
tre les Turcz.*

DES ROYS

Divisions en Hongrie. cis. Dequoy le Roy & les barons estans troublez fut tant subtilement procedé, que Mathias fut prisonnier, & Ladislaus son frere eut la teste trenchée. *Ces merueilles.* Aucuns disent qu'apres auoir receu le troisieme coup il se leua en piedz, & parla au peuple, qui en eut telle pitié qu'il s'en eleua grand bruit & occision de costé & d'autre. Le Roy Ladislaus mena le petit Mathias à Vienne, & le bailla en garde à Paul Modrat. De la print le chemin de Boheme, ou il mourut non sans soupçon de venin.

Mathias fait Roy de Hongrie.

30

Gestes du Roy Mathias.

Les nouvelles espandues de la mort de Ladislaus, les Bohemes créèrent leur roy George Poggiebrac, & les Hongres d'un commun accord declarerent pour leur Roy Mathias, pour lors absent, filz de Iehan Vniad: lequel Mathias espousa la fille d'iceluy roy George, & le vj. an de son regne print la couronne à Albe, deliura Iaicza du siege des Turcz, & le conté de Sirme: surmonta Suuilla Bohemien homme cheualereux, & Federic empereur des Rommains: soubmit à luy les Transilvains, lesquelz s'estoiēt rebellez, & s'estoiēt fait vn Roy: rōpit & mit en fuite le Vayuod Estienne, qui le venoit combattre de nuit. Il fit la guerre contre les Bohemes, & se fit roy du pays. Cependant l'Archeuesque de

Stri-

Strigonie & l'euesque de Quinqueriense appellerent au Royaume de Hongrie Casmire filz de Casmire Roy de Pologne, lequel estât assiégué au chasteau de Nitre par le Roy Mathias, à peine peut trouuer le chemin pour fuir en Pologne, où il fut suyui de Mathias avec grosse armée, mais auant que se ioinde au combat ilz se pacifierent. Depuis Mathias assiegea les Turcz dedans Sabbatz, & le print par force: esmeut encore vne fois guerre contre l'épereur Federic: soubmit à luy plusieurs citez, entre lesquelles fut Vienne en Autriche. Il espousa en secondes nopces Beatrice d'Arragon fille puisnée de Ferdinād Roy de Sicile, auquel il enuoya secours contre les Turcz qui auoient occupé plusieurs lieux en la Pouille. Mourut sans enfans l'an trentesiesme de son regne.

Plusieurs se mirent en deuoir de luy succeder, entre lesquels estoient Maximilian d'Autriche, & Ladislaus filz de Casmire roy de Pologne, lequel auoit esté crée roy de Boheme apres la mort de George Poggiebrac. Ladislaus donques estoit Roy de Boheme, & Maximilian tenoit l'Autriche: & tous deux cerchoëit de se mettre en la grace de la Reine Beatrice de Hongrie, dame de grand au-

Princes aspirans au royaume de Hongrie.

mourut à la fuyte dedans vn fossé, ou son cheual se iecta, voulât afranchir le sault. En ceste bataille furent occis Tomore archeuesque de Caloce de l'ordre S. François, l'euesque de Strigonie, Ambroise Sarcon, & Gregoire frere du Vayuod, ensemble toute la caualerie & fanterie Chrestienne. Et lors s'empara le grãd seigneur Turc de la plus saine partie du royaume de Hôgrie, entra en la ville de Bude, laquelle se rëdit à luy, & y trouua deux grãdes statues d'arain, assises sur soubassemens de marbre, lesquelles le roy Mathias auoit autrefois *Statues d'arain.* fait eriger en signe de trophée & victoire cõtre les Turcs: lesquelles statues & images iceluy grãd seigneur feit transporter en Cõstantinople, & les y feit dresser au milieu du marché, ou on les void encores auiourdhuy.

Après la mort du roy Loys, Ferdinãd d'Au- 33
triche frere de l'empereur Charles cinquieme, qui auoit espousé Anne seur dudict roy Loys de Hongrie, s'ensaisina d'iceluy royaume, pour lequel garder à l'encõtre des Turcs, il a eũ plusieurs grandes batailles & glorieuses victoires.

Genealogie de l'Em- PEREUR CHARLES CIN- quiesme du nom, par les maisons d'Absbourg & Autriche.



Louis premier roy de France
Chrestien.

Clotaire premier du nom roy
de France, filz de Clouis.

Sigisbert filz dudit Clotaire, roy d'Au-
stratie, qui espousa Brunehilde fille du roy
d'Espagne, laquelle feit de grans maux en
France.

Childebert filz de Sigisbert, roy d'Austra-
sie.

Theodebert filz aîné de Childebert, roy
d'Austrasie.

Sigisbert deuxiesme, filz de Theodebert, fut
duc d'Alemaigne, & tint les villes de Con-
stance, Basle, & plusieurs autres en Suisse, re-
gna environ l'an six cens vingt & cinq.

L'an. 625.

Premier
conte de
Habsbourg

Otbert filz de Sigisbert premier conte de
Habsbourg, c'est à dire du chasteau Auen-
de, forteresse ancienne, pres le fleuve de Mo-
selle. Il gist à S. Trutpert qu'il fonda.

Bebo

Bebo filz d'Otbert conte de Habsbourg.

Robert filz de Bebo conte de Habsbourg,
mourut l'an sept cens soixantefix.

L'an. 766.

Amprunte filz de Robert, conte de Habsb.

Gontran filz d'Amprunte conte de Habsb.

Lutharde filz de Gontran, conte de Habsb.

Berzo filz de Lutharde conte de Habsb. &
d'Altembourg.

Rapoto filz de Berzo, conte de Habsb.

Vverengaire le piteux conte de Habsb.

Otto filz de Vverengaire conte de Habsb.

Vvernherus filz d'Otto, conte de Habsb.

Albert furnommé le riche, filz de Vvern-
here, conte de Habsb.

Albert deuxiesme de ce nom, conte de
Habsbourg, & Lâtgrauc d'Alsatie, filz d'Al-
bert lè riche, voiagea en la terre saincte, & eut
trois filz & deux filles.

Rodolphe roy des Rómain, filz d'Albert
côte de Habsbourg espousa Anne fille d'Al-
bert conte de Hogenberg, de laquelle il eut
quatre filz & six filles. Il gist à Spire.

Albert troisiesme du nom, dict le victo-
rieux, filz de Rodolphe côte de Habsbourg,
Roy des Romains, qui fut le premier de sa fa-
mille créé duc d'Autriche, par son pere Ro-

*Albert duc
d'Autriche.*

DES MAISONS

L'an. 1282. dolphe en l'an mil deux cens quatre vingts deux, apres que Cōrad le dernier duc eut esté

L'an. 1268. occis en Sicile environ l'an mil deux cens soixantehuiēt. Et y fut constitué du consentement des princes & potestatz de l'Empire. Il espousa Elizabeth fille du duc de Carinthie, de laquelle il eut vingt & vn enfans. Finalement fut estranglé par Iehan son nepueu, l'an mil trois cens huiēt.

Albert estranglé.

L'an. 1308.

Albert secōd duc d'Autriche en ceste maison, surnommé le sage, conte de Habsb. filz d'Albert le victorieux, espousa Iehanne comtesse de Ferrette, de laquelle il eut trois filz & deux filles.

Leopold de le bon, filz d'Albert le sage, duc d'Autriche, & conte de Habsb. espousa Verde fille de Bernabo Viconte de Milan, de laquelle il eut quatre filz & vne fille.

Ferry Erneſte filz de Lupolde, duc d'Autriche, espousa en premieres nopces Marguerite duchesse de Stettin, de laquelle n'eut aucuns enfans. En secōdes nopces print la fillē du duc de Zimbourg, de laquelle eut neuf enfans.

Autriche erigé en Archiduché.

Frederic troisiēme du nom empereur, filz d'Erneſte, donna à Autriche le nom d'Archiduché. Il fut au parauant duc de Stirie & Carinthie,

rinthie, & eut trois filz & deux filles.

Maximilian Empereur & Archiduc d'Autriche, filz de Frederic, espousa Marie fille de Charles duc de Bourgongne, de laquelle il eut Marguerite surnommée de Flandres, & l'Archiduc Philippe.

Philippe Archiduc d'Autriche, & conte de Habsbourg, filz de Maximilian, espousa Iehannde fillé de Ferdinand roy d'Espagne, & de la royne Elisabeth, au moyen dequoy fut appellé roy de Castille, de Leon & Grenade. Il eut d'elle Charles Empereur, cinquiesme du nom, Ferdinand roy d'Espagne, Eleonore royne de Portugal, & depuis royne de France, Isabel royne de Dannemarc, Marie royne de Hongrie & Boheme, & Catherine royne de Portugal.

Charles cinquiesme du nom, Empereur & Archiduc d'Autriche, filz de Philippe.

Philippe son filz, Prince d'Espagne.

Tous iceulx sont descenduz de pere en filz,
& n'ay faiët mention des autres Princes &
Princeſſes descenduz en ligne collaterale, ny
des principautez qui leur ſont eſcheuës par les
alliances. Et eſt à noter qu'en Alemaigne tous
les enfans d'une maiſon s'appellēt Ducz, Du-
cheſſes, Contes, Conteſſes de la ſeigneurie
d'ou ilz ſont iſſuz, & meſmemēt les enfans de
l'Empereur & de ſon frere Ferdinand, ſe nō-
ment Archiducz & Archiducheſſes d'Au-
triche, ſans difference.

F I N.

*Imprimé à Paris par Benoist Preuoſt, demeurant
en la rue Frementel, à l'enſeigne
de l'Eſtoille d'or.*

1553.